

清宮史續編

章炳麟

清宮史稿
卷之四

國朝宮史續編卷之四十五

典禮三十九

宮規一

臣等謹案前編之誌典禮。特載宮規一門。自位號儀節。進奉安設。次及宮殿常行事宜。條列賅備。良以國家法制。於禁掖尤詳。一切飭修內政。謹小慎微。所以著成規而昭世守也。臣等續奉纂輯。凡萬年不易之典。或約舉舊例。以識大端。或增載新規。以崇體要。敬稽聖諭。諭旨。欽定宮中現行則例。暨官撰諸書。分系於編。不敢繁複牽綴。其時遠事大。間有紀載所未詳者。恭本聖製詩文及注。隨事撰入。以備數典徵實之本原。謹分三則。曰宮中定制。曰宮中事例。曰宮中門禁。仍以宮規綜其目焉。

宮中定制

一殿龕供奉

嘉慶元年十二月初三日。奉太上皇帝勅旨。雍正年間。於養心殿東佛堂佛龕

之右。供奉聖祖仁皇帝、孝恭仁皇后神位。原以廟享歲有常期。而宮闈近地。可以朝夕頂禮。以抒思慕之誠。是以朕登極後。即遵照成法。亦於右次添供皇考世宗憲皇帝神牌。丁酉年復供奉孝聖憲皇后神牌於一龕。此係皇考不匱孝思之所創設。我子孫自當永遠遵守。但歷代久遠。而神龕有一定位數。萬萬年之後。嗣皇帝自當照此一例供奉。因思養心殿之西佛堂現供之佛。將來朕移居寧壽宮之養性殿時。自應移於養性殿之西配殿。現在養心殿之西配殿。當照此東佛堂一律造龕。將來萬萬年後。中間佛龕之左右。朕及子孫皆可依次安設神牌。俟傳至朕元孫萬年後。再將東佛堂聖祖牌位移於壽皇殿。從此世代遞祧。依次移供。可以奉爲世守。我國家億萬斯年。代代相承。雲祚衍慶。瓜瓞綿延。爲亘古所未有。至壽皇殿中龕。係雍正年間供奉聖祖仁皇帝聖容。左龕係乾隆初年供奉皇考世宗憲皇帝聖容。將來朕萬萬年後。當在右龕敬思聖祖仁皇帝踐阼六十餘年。深仁厚澤。超越史冊。皇考世宗憲皇帝勵精圖治。綱

紀肅清。且壽皇殿及養心殿供奉聖容神位皆係皇考遺制。朕仰荷天恩。繼承聖祖皇考貽緒。自登極以來。於今六十餘年。開疆拓土。敬天勤民。自維功德。勉紹前徽。萬萬年後。聖祖皇考及朕。均當在不遷之列。將來壽皇殿九龕供滿時。當由朕以下爲始。以次遞祧。所有圓明園安佑宮。熱河永佑寺。均當照此一律供奉。以昭法守而示來茲。此係朕偶爾思及。豫爲指示。若果能仰荷上蒼眷佑。衍祚龐洪。實我國家無疆之慶。此朕之期望而不敢必者。我子孫當敬體此意。祈天永命。庶幾上邀昊眷。克符斯願耳。

四年正月初六日。奉諭旨。嘉慶元年十二月內。先經欽奉皇考高宗純皇帝勅旨。雍正年間。於養心殿東佛堂佛龕之右。供奉聖祖仁皇帝。孝恭仁皇后神位。是以朕遵照成法。亦於右次添供皇考世宗憲皇帝。孝聖憲皇后神牌於一龕。萬萬年之後。嗣皇帝自當照此一例供奉。因思養心殿西佛堂現供之佛。將來朕移居寧壽宮之養性殿時。應移於養性殿之西配殿。現在養心殿之西配殿。

照東佛堂一律造龕。將來萬萬年後。中間佛龕之左右。依次安設神牌。俟傳至朕元孫萬年後。再將東佛堂聖祖牌位。移於壽皇殿等因。欽此。嗣於嘉慶二年十一月初六日。朕又面奉勅旨。將來萬萬年後。應敬將聖祖仁皇帝、孝恭仁皇后神牌。移供壽皇殿。再敬將世宗憲皇帝、孝聖憲皇后神牌。移供於西龕之東。嗣皇帝敬奉考妣神牌。供奉於西龕之西。欽此。朕祇聆面訓。謹誌勿忘。今欽遵嘉慶二年續奉勅旨。應敬將聖祖仁皇帝、孝恭仁皇后神牌。移奉於壽皇殿。世宗憲皇帝、孝聖憲皇后神牌。移奉於西龕之東。即著祇造皇考高宗純皇帝、皇妣孝儀純皇后神牌。涓吉供奉於西龕之西。用昭妥侑。所有一切派員移奉各事宜。著該衙門敬謹預備。其圓明園安佑宮。亦敬謹照此恭移安奉。

臣等謹案內殿虔奉帝后神位。晨夕展誠。洵爲萬世敬尊愛親之規典。皇上慕篤寢門。恪遵成命。昔瞻依而今對越。受福有常。實由宮庭密邇基之。御書龕額聯句。謹分載宮殿門。

一內庭朝賀

元旦朝賀之禮。

長至萬壽節同

先期由禮部奏請得旨受賀。設中和韶樂於乾清宮檐

下。丹陛大樂於乾清門內。祇候皇帝御大和殿。受群臣朝賀禮成。乘輿至乾清

宮檐前。降輿。中和韶樂作。

樂章與外朝同

皇帝御乾清宮。升座。樂止。扇扇垂簾。宮殿監

恭導皇后。率皇貴妃、貴妃、妃、嬪等位。以次進。皇后就正中拜位立。皇貴妃、貴妃、

妃、嬪等位稍後。左右立。均北面。丹陛大樂作。奏離平之章。辭曰。關雎四教。家邦

作孚先。黃裳元吉。地承天。六宮仁順。化穆宣。麟之趾兮。萬福之原。行六肅三跪

三拜禮。樂止。升簾。各還宮。

貴人等位詣皇帝前。皇后前行禮。俱在後宮。由宮殿監預期請旨。

宮殿監引皇子等

位。升東西階。就丹陛上東西拜位。北面立。丹陛大樂作。

樂章與外朝同

行三跪九叩禮。

宮殿監率闔宮首領太監。在東西丹墀下。隨行禮畢。樂止。宮殿監奏禮成。中和

韶樂作。皇帝啓座還宮。

一中宮慶賀

元旦慶賀之禮。

長至節同惟萬壽聖節皇后前不請行禮

先期由禮部奏請得旨允行。屆日內監陳

皇后儀駕九鳳黃曲蓋。陳宮檐下正中拂香鑪。合盥盤。盂餅。几椅。節繖。扇。旗。瓜。仗。陳階下東西大儀輿。黃輿。鳳輿。陳宮門外。設中和韶樂於宮檐前。丹陛大樂於門內。質明內監設皇貴妃。貴妃。妃。嬪。拜位於月臺左右。設王妃。公主。格格。命婦。拜位於丹陛上。分東西班。設引禮命婦二人贊相禮儀。屆時皇貴妃。貴妃。妃。嬪以下與賀者咸朝服祇俟。引禮命婦轉傳內監奏請皇后御內殿。皇后禮服升座。中和韶樂作。奏淑平之章。辭曰。承天地道光。嗣徽音兮儷我皇。椒宮壺教彰。萬國爲儀燕翼昌。彤管紀芬芳。春雲渥。環珮鏘。安貞德有常。敷內政。應无疆。樂止。引禮命婦引皇貴妃。貴妃。妃。嬪以下各就拜位。行六肅三跪三拜禮。丹陛大樂作。奏正平之章。辭曰。正坤維兮儷皇極。母儀昭萬國。福履永綏將。六宮承瀆則。禮成復原位立。樂止。皇后啓座。中和韶樂作。奏順平之章。辭曰。瑤樞煥上台。椒殿風和麗景開。晴旭上蓬萊。佳氣氤氳徧九垓。祥雲護燕謀。培麟趾。毓蘭

茲雉扇影徘徊。看瑞靄。集宮槐。皇后還宮。皇子詣皇后宮行禮如儀。

嘉慶十年十二月初二日。奉諭旨。據禮部具題慶賀元旦令節禮儀一本。已另降諭旨。照例行禮。停止筵宴矣。慶賀元旦令節。典禮攸關。王公百官等。在朕前行禮。公主福晉命婦等。在皇后前行禮之處。該部自應分晰題奏。乃閱本內所進慶賀禮儀。將公主福晉命婦等。在皇后前行禮一節。一併列入。並將公主福晉命婦等。應否進內行禮。夾片請旨。殊屬非是。禮部堂官。著交部察議。嗣後著將元旦令節。公主福晉命婦等。應否進內行禮。另摺請旨。所有此次題請明年元旦公主福晉命婦等。進內行禮之處。著停止。

一千秋慶賀

皇后千秋令節。皇后行禮受賀之處。先期由禮部奏請。奉皇帝俞旨。行禮受賀如儀。皇貴妃。貴妃。妃。千秋。詣皇帝皇后前行禮。俱不設樂。嬪壽辰。貴人生辰同。常在生日。不請行禮。皇子成婚後。公主下嫁後。遇生辰。詣皇父皇后前行禮。不

設樂。皇后千秋。皇貴妃、貴妃、妃、千秋。嬪、壽辰。貴人生辰。皇子、公主生辰。俱有恩

賜

分載經
費門

一宮中遇喜

內庭等位遇娠。於御醫上夜月分爲始。每日食用。照額加半。誕彌後。例有恩賜

分載經費門
餘詳前編

一皇子誕生

初生稱皇子。賜名後。始按位次稱皇幾子。

賜名例
詳前編

所生年月日時。係內庭某位

某氏生。宮殿監敬謹登記。俟恭修玉牒載入。公主、皇孫、皇孫女同。遇皇子周歲

晬盤。例用玉陳設二事。玉扇墜二枚。金匙一件。銀盒一圓。犀鍾一捧。犀棒一雙。

弧一張。矢一枝。文房一分。晬盤一具。果筵一席。由宮殿監奏交內務府預備。公

主、皇孫、皇孫女、晬盤同。惟公主、皇孫女、不備弧矢。

一皇子就傅

皇子屆六齡入學。詣尙書房東次西向室。所奉至聖先師神位行禮。見總師傅。師傅行對揖禮。就坐讀書。平時相見。握手致敬。其師傅以翰林資深有學行者充。由大學士、掌院學士、公同豫選引見。候旨簡用。每晨入直授讀。總師傅以時稽察課程。凡皇孫、皇曾孫、皇元孫入學同。

一引選秀女

凡三年一次。引選八旗秀女。由戶部奏請。每年一次。引選內務府所屬秀女。由內務府奏請。屆期豫備。宮殿監率各首領太監關防。以次引選。例具前編。

嘉慶五年十一月二十六日。奉諭旨。向來挑選秀女。皇后、皇貴妃、妃、嬪之親姊妹。俱應備挑。於體殊有未協。嗣後自嬪以上。其親姊妹。著加恩不必備挑。戶部內務府。即遵照辦理。著爲令。

六年三月初二日。奉諭旨。朕綜理庶務。皆率由舊章。從前皇考高宗純皇帝。每次挑選八旗秀女時。派王等於聖祖仁皇帝派衍二十四近支宗室內。查明應

國朝宮史續編 卷四十五
進綠頭牌者指配。今朕挑選秀女。自應遵照此例。於世宗憲皇帝派衍近支宗室內按其世系指配。著將此旨。交派出王等。嗣後應行呈進宗室等名次。惟於世宗憲皇帝派衍近支宗室名次。繕寫綠頭牌。照例呈進。俟朕挑選秀女時。酌量指配。永著爲例。

初三日奉諭旨。從前公主多有下嫁蒙古王之子。鮮有下嫁八旗勳舊之子者。是以每遇挑選八旗秀女。並未另立章程。將公主之女。亦一體挑選。著交戶部。八旗。嗣後每遇挑選秀女。加恩將公主之女。停其挑選。永著爲例。

十一年五月十四日。奉諭旨。明年應行選看之秀女。其八旗滿洲蒙古內外三品以上文武官員秀女。年至十三歲。查明豫備選看。下屆雖年已及歲。著毋庸預備復選。嗣後仍照舊辦。

同日。奉諭旨。嗣後選看秀女。八旗漢軍文職筆帖式以上。武職驍騎校以上官員秀女。預備選看。其兵丁等秀女。均著毋庸豫備選看。

十八日奉諭旨嘉慶九年二月間選閱秀女見其衣袖寬大過甚且竟有纏足者變俗根本莫此爲甚當經明降諭旨飭知八旗嚴加禁止昨復降恩旨嗣後八旗漢軍文職筆帖式以上武職驍騎校以上官員之女仍照常備選其兵丁女子選看之處著行停止特係軫念窮兵多方優恤因恐該兵丁等藉有此旨遂將女子任意隨俗變妝纏足率違定例殊失朕教誡之意著交八旗都統等嚴飭所屬嗣後如有任意從俗私心變制者將其父兄嚴加懲治該管各員亦從重議處毋謂朕教之不豫也

一加恩幼侍

臣等謹案皇子生設乳母侍母承侍內宮按年月日給與分例分載經費門有加賞者出自特恩不在常例至承侍之皇子即皇帝位其乳母例邀封贈其子嗣例邀世職產業之賜侍母無封贈世職仍一體邀賞

嘉慶三年四月二十一日奉太上皇帝勅旨從前朕之乳母侍母等曾經酌量

加恩賞給世職家產。現在皇帝之乳母侍母等。亦應一體加恩。著照乾隆元年之例。將皇帝三次乳母。應封字樣。照例撰擬。另行封贈外。其子嗣等。俱賞給騎都尉世職。承襲三次。仍酌量賞給房屋居住。並各賞銀一千兩。安置產業。其侍母等。雖無封贈之例。亦照此各賞給房屋一所。銀一千兩。

一恭謝恩賜

皇上遣人齎物。頒賜內庭等位。至則跪受。北面行六肅三跪三拜禮。告原齎賜人。轉奏謝恩。○內監等蒙賜官職。加賞資。加錢糧。及新授宮殿監。以至各首領。俱由宮殿監。通知奏事太監。轉奏謝恩。

國朝宮史續編卷之四十六

典禮四十

宮規二

宮中事例一

一書福頒賜

臣等謹案內殿寶藏先朝御用賜福蒼生筆鏤文槩管閱世恒新恭查康熙年間偶蒙親書大福字頒賜臣工至雍正年間遂著爲恩例乾隆二年丁巳高宗純皇帝諷吉十二月朔書福開始欽承手澤敬用此筆書第一福字歲以爲常十四年己巳特製書福詩以昭繩承家瀆十七年壬申以後屆日先詣闡福寺升香還宮迺開筆取闡揚福德之義自前丁巳至後丁巳六十年中蓋普天受福無疆矣皇上於嘉慶六年辛酉祇循茂典敷錫重重實衍億萬年多福之慶臣等敬稽宮史前編附載於禮儀類緬維祖宗規製所繫謹移載宮規備錄聖製己巳詩謹從補載暨御製詩什以著吉徵而詳事例其儀弗敢

略焉。

歲十二月朔。皇帝御重華宮。懋勤殿首領太監、陳金龍、賤大筆、墨海。祇候皇帝升座。進賜福蒼生筆、書福字。懸內宮。自是將軍、督撫、奏函至。有旨特賜者。御書緘賜之。十七日。召御前大臣、侍衛。至重華宮。二十六、七等日。召王公大臣、內廷翰林等。至乾清宮。先期。奏事官具名籤以請。欽定若干人。分日頒賜。迺下內閣通傳。至日。齊集乾清門。宮殿監預傳各首領太監。集庭內執事。屆時。皇帝升座。監、陳高案、筆墨。展金龍賤。皇帝每書福一方。王公大臣等一人。進詣御案前。跪候書畢。叩首祇領。興。恭捧而出。餘俱按日依次跪領如儀。

聖製書福詩

有序 己巳

歲暮書福以賜庭臣。謹遵皇考成例。亞禧歛錫之義。於是爲昭。每欲成詩。以不得佳句而止。茲當清暇。復此迎年。揮翰之餘。拈鬚有作。亦不復計工拙云。

近始藩屏逮百僚。臨軒書福慶恩昭。九疇箕子疇書演。一筆王家筆陣超。嘉與紅箋迎介祉。相扶綵勝煥元朝。不徒弄翰欽敷錫。家法繩承仰聖堯。

聖製嘉平月朔開筆之作

辛亥

嘉平吉朔欣開筆。皇考家風欽勑垂。每歲嘉平月朔開筆書福以賜王公及內外大臣蓋敬遵皇考時成例也。欽福

因之謁闡福。寺名是曰依例於是拈香於時慎亦錫惟時。三層樓閣仍躬陟。後寺

佛樓凡三層今日仍依舊登陟尚不覺勞八袞康強賴昊禧。似此四年歸政近。

其能否曷敢言期。

聖製嘉平月朔之作

癸丑

嘉平月之朔。開筆奉先猷。每歲例於臘月朔日開筆書福以次錫王公大闡福

佛資力。是日早先詣闡福寺拈香薰資佛力錫民箕叶疇。略慚輿陟級。猶可步

周樓。往年來此禮佛俱少為節登樓今年司事者預備小輿以八水戲降觀待。鞠

勞行賞酬。向於朔日觀水嬉分棚擲鞠懸的纍纍雪成皔。的的澤知稠。憶昨終